

於幽明拱朔靈壇周圍善果今日等三關昭暢五體宜融澄身心口以通玄虛无密契混精悉神而疑景寥廓潛孚霈玄澤以周流觀丹堦而獨對明晨行道績更啓聞

發願

一願乾坤明素二願炁象清玄三願聖人萬壽四願化洽八埏五願天垂甘露六願地發祥煙七願四時應候八願萬物生全九願家多孝悌十願國富才賢十一願齋功廣被十二願善瑞日臻

存神燒香

香官使者左右龍虎君侍香諸靈官當令臣宿啓建齋之所自然生金液丹碧芝英百靈衆真交會在此香火爐前然願臣學道得道求仙得仙齋主受福幽顯沾恩十方仙童玉女接待蘭煙臣向來所啓之誠速達徑御太上无極大道至真昊天玉皇上帝御前

出堂頌

回靜默

謝師

靈寶領教濟度金書卷之一百八

正一天師清微弟子 洪百堅 製作

道教學術資訊網站

靈寶領教濟度金書卷之一百九一百一十二卷共

洞微高士開光教善真人竊金真授

靈寶通玄弘教水南先生林靈真編

科儀立成品選拔道場用

早朝行道儀

燒香頌

各禮師存念如法

衛靈呪

青陽虛映耀日回靈神虎辟邪飛天流鈴
推姦滅試萬魔東形九微回道八威攝精
千真校錄三元滂清左輔中黃右策六丁
七轉八合周旋天經聖化巍巍三道順行
慶雲流布合景黃庭和與道合真

鳴法鼓二十四通

發爐

无上三天玄元始三炁大上道君召出臣等
身中三五功曹左右官使者侍香金童傳言
散花玉女五帝直符直日香官各三十二人
出出者嚴裝闕啓玄壇天帝神君當召此間
土地里域具官正神急上關啓臣今奉為齋

意以今早朝行道願得

玉清道炁靈寶妙光下降流入臣等身中今

臣所啓之誠速達徑御

太上无極大道至真玉皇上帝御前

請稱法位

具位奉行遷拔道場法事小兆臣某與臨壇

官眾等謹重誠上啓

虚无自然元始天尊无極大道太上道君太

上老君高上玉皇十方已得道大聖眾至真

諸君丈人三十二天帝君玉虛上帝玉帝太

帝東華南極西靈北真玄都玉京金闕七寶

瓊臺紫微上宮靈寶至真明皇道君三十六

部尊經玄中大法師上相上宰上保上傳太

平下教二十四真人西城總真王君太乙真

人東嶽上卿司命茅君定錄保命二真人名

山洞府得道神仙三界官屬一切真靈臣聞

祖炁鴻濛蘊无色无淵之妙元精混沌媿有

滋有象之英玄黃判而三極流形經緯張而

五靈胤景裁成生死煥空洞之金書保制陰

陽結飛玄之玉宇色羅萬象囊括群生妙哉

靈寶之宗大矣玄元之教臣等瑤壇莅職玉

籍登名奉

元皇之冲科神交玄妙遵洞玄之秘典炁集

幽微凡有皈投敢志關奏况奉詞旨敢不上

聞

宣詞

按如詞言備殫激切齋主某俯矜黑鬱仰顧

蒼昊念九死之莫迴徒瞻水逝嗟千生之曷

挽誰念舟藏人倫深骨肉之悲天命痛音容

之隔匪歸化治曷返生根爰建設於芝壇為

鋪張於藥笈玉華璀璨紫煙流三素之輝金

旌琳琅碧霧謁九陽之韻所冀靈光鬱勃梵

炁彌羅黃道雲開徹眾真而侍座瓊臺日近

召萬聖以臨軒拱虛无定慧之尊示希夷慈

悲之相玄符敕制奔金馬以開函白簡升遷

駐玉龍而御景夜壑廓輝輝之旦寒庭開蕩

蕩之春音洽人天均沾家國以今清旦陞壇

行道請法眾等運茲初檢上香

願此香煙騰空徑上供養

无上至真道寶臣等皈身皈神皈命首體投

地仰依

太上三尊願以是功德上祝

宗桃先聖杜稷專靈伏願玄極棲神清虛御

炁垂祥鳳曆萬年開玉葉之香流蔭龜圖億

載表金莖之瑞

皇帝乾坤呈彩河洛昭符丹旆凝旒來梯航

於舜日紫宸簇仗同文軌於堯雲彤掖徽華

青宮仁聖駕序極武文之彥麟符敦忠孝之

英今故燒香自皈依

師尊大聖眾至真之德得道之後保天長存

和與道合真

以今清旦陞壇行道請法眾等運茲二檢上

香

願此香煙騰空徑上供養

无上至真經寶臣等皈身皈神皈命首體投

地仰依

太上三尊願以是功德歸流齋主家九玄七

祖德劫種親伏願覺海波澄慧源冰瑩南宮

變化驂日駟而宴鸞林北府消名御雲虬而

朝蓮座齋主某六塵披散五炁宣平福地春

融固瓊顏而不老壹天日永漱玉醴以長新
椿桂高華芝蘭秀發紫炁兆庭中之喜紅塵
絕門外之憂今故燒香自皈依

師尊大聖眾至真之德得道之後升入無形
和與道合真

以今清旦陞壇行道請法眾等運茲三捻上
香

願此香煙騰空徑上供養

无上至真師寶臣等皈身皈神皈命首體投
地仰依

太上三尊願以是功德歸流三途滯爽六道

窮魂動植飛潛無邊含識並願慈風披拂受

日融怡罪簿疾除漏千生之業網惡根落滅

停萬劫之冤輪快超迹於陰鄉即升神於陽

界百昌茂育無焚林竭澤之憂一炁周流有

戾天躍淵之樂園扉晝寂方域春和景星夕

燦於玉虛甘露宵輝於璇漢今故燒香自皈
依

師尊大聖眾至真之德得道之後長享自然
和與道合真

禮方 懺方

三啓

樂法以為妻 愛經如珠玉 持戒制六情

念道遣所欲 淡泊正氣停 蕭然神靜默

天魔並敬護 世世享大福

又

鬱鬱家國盛 濟濟經道興 天人同其願

縹緲入大乘 因心立福田 靡靡法輪升

七祖生天堂 我身白日騰

又

大道洞玄虛 有念無不契 鍊質入仙真

遠成金剛體 超度三界難 地獄五苦解

悉歸太上經 靜念稽首禮

三禮

巨等志心稽首禮

太上元極大道

巨等志心稽首禮

三十六部尊經

巨等志心稽首禮

玄中大法師

重稱法位

具位奉行遷拔道場法事小兆巨某與臨壇
官眾等謹重誠上啓

虛无自然元始天尊元極大道太上道君太
上老君高上玉皇十方已得道大聖眾至真

諸君丈人三十二天帝君王虛上帝玉帝大
帝東華南極西靈北真玄都玉京金闕七寶

瓊臺紫微上宮靈寶至真明皇道君三十六
部尊經玄中大法師上相上宰上保上傳太

平下教二十四真人西城總真王君太乙真
人東嶽上卿司命茅君定錄保命二真人名

山洞府得道神仙三界官屬一切真靈巨等
傳慶德齡植因兆劫玄雲垂蔭佩囊中紫鳳

之章聖日昭融膺肘後蒼虬之錄承恩師匠
贊化天工蓋高蹈於林泉乃早棲於陸海分

陰切切進寸悠悠秉心堅補過之盟勵志罄
立功之誓庶酬化育庸佐生成今齋主某重

念亡故某捨身受身從劫至劫咸戴天而履
地皆負陰以抱陽三業紛紜踐畏途而滋人

偶六根流浪逐幻境以焚天和虛白難全回

黃自滓動靜多違於禁戒身心每背於綱常
 二豎潛攻倏天葩之春隕三彭密試俄命樹
 之朝零霜明東岱之條章日赫北野之憲令
 茫茫鬼域杳杳神鄉非上霽於天恩曷下超
 於地爽是以嚴修齋直肅建壇場羅信幣於
 華晨懺愆尤於霄極希垂曆覽曲軫精祈救
 五帝四司削千愆而解悟命三官九府蕩萬
 罪以清夷龍符飛煥於十方鶴放羅敷於三
 界永辭長夜獲難重陰聽法聞經超无形无
 名之境登真度命遊非空非色之鄉消考訟
 於先靈息注殃於後嗣齋主某精神通暢步
 武光華簪紱連榮迂公侯之袞袞門庭多暇
 普春族之熙熙五福雲滋四魔煙滅上願天
 光朗晏地紀宣澄三光全而寒暑平瑞迎玉
 燭五穀熟而民人育祥協金穰要荒寢兵革
 之憂寰海富桑麻之樂飛潛動植均化化以
 回靈蠢動蛸蝓各生生而育性三途昭朗五
 道開明則上明
 天尊大慈之化下副齋主皈命之誠謹啓以
 聞

發願念

- 一 念為道四大合德齋主七世父母免脫憂苦上昇天堂衣食自然
 - 二 念帝王國主道化興隆庠序濟濟皇教恢弘威儀翼翼普天所瞻民稱太平四夷賓伏袂惡自滅賢聖日生
 - 三 念法師功德大建教化明達俱獲飛仙
 - 四 念同志學人早得仙道更相開度
 - 五 念九親和睦好尚仁義貴道賤財行爲物範
 - 六 念損己布施道士及飢寒者天下人民各得其所
 - 七 念蠕動踐行一切衆生成蒙成就
 - 八 念赦贖前生今世罪對立功補過
 - 九 念家門隆盛宗廟有人世生賢才
 - 十 念專受師經不敢中怠平等一心廣度一切克獲上仙白日登天拜見太上永成真人雲車羽駕和與道合具
- 存神燒香
 香官使者左右龍虎君侍香諸靈官當令

早朝行道之所自然生金液丹碧芝英百靈
 衆真交會在此香火爐前令學道得道求
 仙得仙齋主受福幽顯沾恩十方仙童玉女
 侍衛蘭煙傳向來所啓之誠速達徑御
 太上无極大道至真玉皇上帝御前

出堂頌

回靜默

靈寶領教濟度金書卷之一百九